

Selskapsavtale for SIMAS IKS

GJELDANDE FRÅ 01.01.2022

SELSKAPSAVTALE FOR SIMAS IKS

§ 1. Heimel

Sogn Interkommunale Miljø og Avfallselskap (SIMAS) er eit interkommunalt selskap med delt ansvar, stifta med heimel i Lov om interkommunale selskap (1999-01-29 NR 06). Sist endra 01.11.2019. Denne avtalen er utarbeida i samsvar med § 4 i lov om interkommunale selskap og inneheld lovas krav om selskapsavtale mellom partane.

§ 2. Deltakar

Deltakarar i selskapet er kommunane Aurland, Høyanger, Luster, Lærdal, Sogndal, Vik og Årdal. Andre kommunar har høve til å søkje om deltaking.

§ 3. Hovudkontor

Hovudkontoret til selskapet ligg i Festingdalen, Sogndal kommune

§ 4. Føremål

Selskapet har ikkje erverv til føremål. Deltakarkommunane overfører rettane og pliktene kommunane har for hushaldningsavfall og slam etter ureiningslova.. Føremålet med selskapet er:

- 4.1 Innsamling og transport av alle typar etter delegasjon å utføre deltakarkommunane sine forvaltnings- og arbeidsoppgåver innan avfallshandtering på ein best mogeleg måte med omsyn til økonomi, ressursbruk og miljø. Selskapet er tildelt einerett for handtering av hushaldsavfall og slam, og har ikkje næringsverksemد til føremål. I arbeidet med desse oppgåvene skal selskapet ta omsyn til brukarane/innbyggjarane sine ønskje og interesser.
- 4.2 Bygging og drift av behandlingsanlegg for avfall
- 4.3 Selskapet skal der dette er naturleg, søkje å etablere samarbeid med andre kommunar, regionar og selskap med tanke på å få til rasjonelle og miljørette løysingar når det gjeld gjenvinning. Selskapet kan vera eigar eller medeigar i andre selskap.
- 4.4 Selskapet skal vera ein samfunnsaktør og pådrivar for å utvikle framtidsretta og miljømessige løysingar for handtering av avfall. Selskapet skal vera ein pådrivar og aktør i overgangen til sirkulær økonomi i deltakarkommunane
- 4.5 Selskapet skal i nært samarbeid med kommunane informera publikum og næringsdrivande om drifta av selskapet. Selskapet skal i informasjonsarbeidet legge vekt på å gje auka kunnskap og forståing for miljøvenlege behandlingsmetodar.
- 4.6 Gje tilbod om innsamling, gjenvinning og handsaming av næringsavfall der selskapet finn dette miljømessig ønskeleg og økonomisk rett
- 4.7 Avgjera i kva grad drifta kan skje ved bruk av eigne anlegg, utstyr og mannskap, eller ved leigeavtalar med deltakarkommunane eller private næringsdrivande

Den einskilde kommune kan, etter godkjenning av representantskapet, også velje eit anna nivå for sine ytingar til innbyggjarane enn vanlig i selskapet sitt arbeidsområde. Slike avgjerder skal så langt råd er ikkje ha økonomiske konsekvensar for selskapet.

§ 5. Eigardel og deltakaransvar

- 5.1 Utgangspunkt for eigar- og ansvarsdel ved stiftinga av SIMAS IKS er folketalet i eigarkommunane pr 1.1.xx. Deltakarane svarar fullt og heilt for pliktene til selskapet. Kvar eigarkommune svarar for ein prosentdel som svarar folketalet i kommunen 1.1. det året det er kommuneval frå og med 2020.

Pr 01.01.2020 var folketalet og eigar- og deltakaransvar fordelt slik (%-vis):

Kommune	Antal innbyggjarar	% eigardel
Aurland	1 781	5,43 %
Høyanger	3 991	12,16 %
Luster	5 174	15,77 %
Lærdal	2 126	6,48 %
Sogndal	11 911	36,30 %
Vik	2 635	8,03 %
Årdal	5 193	15,83 %
SUM	32 811	100,00 %

§ 6. Selskapet si leiing

Selskapet vert leia av eit representantskap, eit styre og dagleg leiar som administrerer drifta av selskapet.

§ 7. Representantskapet

- 7.1 Representantskapet er selskapet øvste organ. Fordeling av medlemmer i representantskapet skal spegla folketalet i eigarkommunane. Kva kommune skal ha 1 representant for kva 10.000 ibuar, men minst 2. Ein får såleis følgande medlemstal

Folketal	Medlem
0-10.000	2
10.001-20.000	3
20.001-30.000	4
Etc.	

Medlemmar i representantskapet pr 01.01.20:

	Folketal	%-vis	Representantskapet
Aurland	1 781	5,43 %	2
Høyanger	3 991	12,16 %	2
Luster	5 174	15,77 %	2
Lærdal	2 126	6,48 %	2
Sogndal	11 911	36,30 %	3
Vik	2 635	8,03 %	2
Årdal	5 193	15,83 %	2
	32 811	100,00 %	15

- 7.2 Medlemmane i representantskapet med personleg varamedlem vert valde av kommunestyra i eigarkommunane for 4 år og i samsvar med den kommunale valperioden.

7.3 Dersom det viser seg at ein eigarkommune som følgje av folketalsauke/-nedgang har rett på fleire/færre medlemmer i representantskapet, skal justeringa skje på følgjande måte: Utgangspunktet er folketalet 1.1. det året det er kommuneval. Det nye talet på medlemmer i representantskapet gjeld frå dagen etter kommunevalet

7.4 Representantskapet vel leiar og nestleiar.

7.5 Dagleg leiar og medlem i styret kan ikkje vere medlem i representantskapet

§ 8. Representantskapet mynde og oppgåver

Deltakarkommunane utøver sitt mynde i selskapet gjennom representantskapet. Representantskapet skal sjå til at selskapet vert drive etter formålet sitt i samsvar med lover og vedtekter. Årsmøte i representantskapet skal haldast innan utgangen av april månad

Leiar for representantskapet kalla inn til møte når det er naudsynt for handsaming av ei særskild sak etter lova eller selskapsavtalen. Leiaren for representantskapet pliktar å kalle inn til møte når styret, revisor, minst ein av eigarkommunane, eller minst ein av tredel av representantskapet sine medlemmer krev det for handsaming av ei særskild sak.

Om ikkje representantskapet for den enkelte saka avgjer noko anna, har styreleiar og dagleg leiar rett til å delta i representantskapet sine møter. Dei har talerett, men ikkje røysterett. Styreleiar og dagleg leiar har plikt til å vera til stades, med mindre det er openbart unødvendig eller ligg føre gyldig forfall. I sistnemnde tilfelle skal det utpeikast ein erstattar

Representantskapet er vedtaksfør når meir enn halvparten av medlemmene er til stades og desse representerer minst to tredelar av røystene.

Vedtak vert gjort med vanleg fleirtal av dei gjevne røystene, bortsett frå endring i selskapsavtalen som krev 2/3 fleirtal. Ved likt røystetal gjeld det som møteleiar røystar for

Representantskapet sin leier er møteleiar

Ved spørsmål om habilitet gjeld kommunelova §11-10

Innkalling til representantskapsmøte skal skje med minst 4 vekers varsel. Innkalling skal innehalde saksliste. Dei enkelte deltakarane skal med same frist varslast om innkalling og saksliste.

Det skal først protokoll for møta. Protokollen skal underskrivast av leiar og to av dei andre medlemmane. Medlemmene i styret og dagleg leiar har rett til å få sitt syn på ei gitt sak innført i protokollen.

Dagleg leiar i SIMAS er sekretær for representantskapet og står føre saksutgreiing og utsending av sakliste med saksdokument og møteprotokoll.

§ 9. Årsmøtet

I årsmøtet skal representantskapet handsame desse sakene:

- Skriftleg årsmelding frå styret
- Revidert årsrekneskap frå styret
- Fullmakter til styret
- Val av leiar/nestleiar i representantskapet (4 år)
- Val av styremedlemmar og varamedlemmar, med unntak av tilsettrepresentantar
- Val av leiar og nestleiar i styret

- Val av revisor og fastsetjing av godtgjersle for revisjon
- Val av ankenemnd for 4 år, med eit medlem med personleg varamedlem frå deltakarkommune som nyttar selskapets tenester
- Fastsetjing av styregodtgjersle

Dessutan skal representantskapet handsame:

- Styret sitt framlegg til langtidsbudsjett/økonomiplan og drifts- og investeringsbudsjett for neste driftsår
- Framlegg frå styret til generelle endringar i renovasjons- og slamgebyret og gje tilråding til kommunane
- Framlegg frå styret om opptak av lån og pantsetjing av selskapet sine eigedomar
- Framlegg frå styret om sal av selskapets faste eigedom eller større kapitalgjenstandard
- Framlegg til deltakarkommunane om endring av selskapsavtalen til selskapet
- Eventuelle andre saker som styret vil ha handsama i representantskapet

Vedtak i representantskapet må godkjennast av kommunane dersom dette vert kravd etter kommunelova eller andre lover. Budsjett, rekneskap og utskrift av møteboka skal sendast medlemskommunane.

§ 10. Styret og dagleg leiar

Forvaltninga av selskapet hører under styret, som har ansvaret for ei tilfredsstillande organisering av selskapet si verksemnd. Styret skal sjå til at verksemda vert drive i samsvar med selskapet sitt føremål, selskapsavtala, selskapet sitt årsbudsjett og andre vedtak og retningslinjer fastsett av representantskapet, og skal sørge for at bokføringa og formueforvaltninga er under kontroll. Styret er eit kollegial organ og styremedlemmenes lojalitet er til selskapet.

10.1 Styret skal ha 7 medlemmar der representantskapet vel 6 styremedlemmer med varamedlemer i prioritert rekkjefølge. I tillegg skal det veljaststyremedlem med vara frå dei tilsette etter Lov om interkommunale selskap. Funksjonstida til styret er 2 år og slik at 3 styremedlemmar er på val kvart år.

10.2 Leiaren av styret kallar inn til møte når han finn det naudsynt, eller dersom styremedlem og dagleg leiar ber om det. Innkalling til møte skal skje med minst 5 dagars varsel. Innkallinga skal innehalde saksliste og eventuelle saksdokument. Det skal førast møteprotokoll.

10.3 Vedtak i styret vert gjort med vanleg fleirtal av dei møtande. Ved stemmelikskap avgjer leiaren si stemme. Styret gjev innstilling i alle saker som skal leggast fram i representantskapet.

10.4 Dagleg leiar i SIMAS skal delta i styremøta med tale- og forslagsrett, men ikkje røysterett. Dagleg leiar i SIMAS er sekretær for styret.

10.5 Dagleg leiar i SIMAS leier SIMAS si dagelege verksemnd og står ansvarleg for at drifta er i samsvar med selskapsavtala, årsbudsjettet og retningslinjer og pålegg som styret har gjeve. Den dagelege leiinga omfattar ikkje saker som etter tilhøva til selskapet av uvanleg art eller særskilt viktig. Slike saker kan dagleg leiar bere avgjera når styret har gjeve dagleg leiar mynde til det, eller når ein ikkje kan vente på avgjerd i styret utan vesentleg blempe for verksemda til selskapet. Styret skal i så fall snarast orienterast om saka.

10.6 Styreleiar og eit styremedlem i fellesskap, og dagleg leiar åleine har prokura.

§ 11 Representasjon – signatur

Styret representerer og forpliktar selskapet. Styret kan delegera representasjon og forpliktinga i samsvar med Lov om interkommunale selskap § 16. Dagleig leiar representerer selskapet i saker innafor sitt mynde

§ 12 Låneopptak

Selskapet har høve til å ta opp lån til kapitalformål innafor ei samla gjeldsramme på kr 120 mill.

§ 13 Utgifter

Dei årlege utgiftene til selskapet skal dekkjast av avfallsgebyr og vederlag/betaling for dei ulike tenestene.

§ 14 Inntekter

Representantskapet fastset gebyrregulativ for kommande kalenderår etter forslag frå styret Kommunane fastset renovasjonsgebyret og slamtømmegebyret til abonnementane.

Styret fastset betalingssatsar for avfall som vert levert direkte til miljøstasjon eller hovudanlegget av privatperson, verksemd osb, og for tenester som selskapet sel. Betalinga skal skje direkte til selskapet av kunde.

§ 15 Utbytte

Selskapet har ikkje høve til å betala utbytte til deltagarane.

§ 16 Nye deltagara

Nye deltagara i selskapet skjer ved vedtak i alle kommunestyret i dei enkelte deltagarkommunane. Ny prosentdeling og representasjon i §5 og § 7 blir vedteke på same vis.

Nye deltagara skal betala inn ein kontantsum eller aktiva av tilsvarende verdi. Summen skal svare til den nye medleman sin prosentvise del av selskapet sin eigenkapital.

Det vert vist til Lov om interkommunale selskap §26

§ 17 Rett til å tre ut

Kva deltagarkommune kan seia opp sitt deltagarforhold i selskapet. Oppseining skal meldast skriftleg til representantskapet på årsmøtet. Avslutninga av deltagarforhold kan tidelegast skje 1 år etter det følgjande årskiftet

Dersom ein av deltagarane vesentleg bryt sine plikter i selskapsforholdet kan dei andre deltagarane einstemmig vedta at vedkommande deltagar skal verta utelukka frå selskapet

Det vert vist til Lov om interkommunale selskap §30 og 31.

§ 18 Oppløysing

Oppløysing av selskapet kan bere skje dersom kommunestyra i alle deltagarkommunane har gjort prinsippvedtak om dette. Når det er avgjort at selskapet skal oppløysast, og oppløysinga er godkjent av departementet, skal representantskapet straks nemne opp eit avviklingsstyre. Styret trer ut av funksjon så snart avviklingsstyret er valt

Kvar eigarkommune er ved oppløysinga av selskapet ansvarleg for sin del av pliktene.

Det vert vist til Lov om interkommunale selskap §32 flg.

§ 19 Endringar i selskapsavtalen

Endringar av selskapsavtala som gjeld forhold nemnt i Lov om interkommunale selskap § 4 tredje avsnitt må godkjennast av alle deltakarkommunane. Andre endringar av selskapsavtala vedtek representantskapet med tilslutning frå minst to tredelar av dei gitte stemmene.

§ 21 Twist

Twist om tolking vert avgjort med bindande verknad ved voldgift etter reglane i Lov om voldgift.

§ 22 Ikraftsetjing

Denne selskapsavtala vert, med etterhald om at alle SIMAS-kommunane har vedteke den, gjort gjeldande frå 01.01.2022.

Selskapsavtalen er vedtatt av deltakarane:

Kommunestyret i Sogndal kommune 09.12.2021: Sak 100/21

Kommunestyret i Luster kommune 18.11.2021: Sak 063/21

Kommunestyret i Aurland kommune 16.12.2021: Sak 091/21

Kommunestyret i Lærdal kommune 16.12.2021: Sak 073/21

Kommunestyret i Vik kommune 16.12.2021: Sak 080/21

Kommunestyret i Høyanger kommune 16.12.2021: Sak 064/21

Kommunestyret i Årdal kommune 26.11.2021: Sak 053/21